

ՀԱՍՏԱՏՎԱԾ Է

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱՅԻ

Նախագահության N թ/վ 6/1773 որոշմամբ, 7 հոկ. 2020 թ.

ՀՀ ԳԱԱ նախագահ, ակադեմիկոս
Ռ. Մարտիրոսյան
22.02.2021թ.



Կազմված է "20" 02 2021 թ.

Բաղկացած է 11 թերթից

Տպագրված է ընդամենը 5 օրինակ

ՕՐԻՆԱԿ 4

ԳՐԱՆՑՎԱԾ Է

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԻՐԱՎԱԲԱՆԱԿԱՆ
ԱՆՁԱՆՑ ՊԵՏԱԿԱՆ ՌԵԳԻՍՏՐԻ ԱՐԱԲԿԻՐ ՏԱՐԱԾՔԱՅԻՆ
ԲԱԺՆԻ ԿՈՂՄԻՑ 12-12-2002 թ.

գրանցման թիվ 264.210.06042

վկայական 03Ա 056990

ՀՎՀՀ 00009554

"06" 12 2012 թ. գրանցված կանոնադրության

թիվ _____ փոփոխությունը գրանցված է
իրավաբանական անձանց պետական ռեգիստրի

գործակալության կողմից 04.03.2021 թ.

Կ. Գևորգյան
Ստորագրություն

Կ Ա Ն Ո Ն Ա Դ Ր ՈՒ Թ Յ ՈՒ Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԻՏՈՒԹՅԱՆ ԱԿԱԴԵՄԻԱՅԻ
ԱԿԱԴԵՄԻԱՅԻ ԱՐԵՎԵԼԱԳԻՏՈՒԹՅԱՆ ԻՆՍՏԻՏՈՒՏ

պետական ոչ առևտրային կազմակերպություն

(նոր խմբագրություն)

I. ԸՆԴՀԱՆՈՒՐ ԴՐՈՒՅԹՆԵՐ

1. Հայաստանի Հանրապետության գիտությունների ազգային ակադեմիայի պետական հիմնարկ հանդիսացող Արևելագիտության ինստիտուտը, որը պետական ռեգիստրում գրանցված է 1997 թ. հունվարի 7-ին (գրանցման N 2640053, վկայականի N Բ. 001710) վերակազմավորման ձևով վերակազմակերպվում է պետական ոչ առևտրային կազմակերպության, որը համարվում է նրա իրավահաջորդը:

Հայաստանի Հանրապետության գիտությունների ազգային ակադեմիայի «Արևելագիտության ինստիտուտ» պետական ոչ առևտրային կազմակերպությունը (այսուհետ՝ Ինստիտուտ) շահույթ ստանալու նպատակ չհետապնդող, իրավաբանական անձի կարգավիճակ ունեցող ոչ առևտրային կազմակերպություն է:

2. Ինստիտուտը իր գործունեության ընթացքում ղեկավարվում է Հայաստանի Հանրապետության քաղաքացիական օրենսգրքով, «Հայաստանի Հանրապետության գիտությունների ազգային ակադեմիայի մասին», «Պետական ոչ առևտրային կազմակերպությունների մասին» ու «Գիտական և գիտատեխնիկական գործունեության մասին» Հայաստանի Հանրապետության օրենքներով, այլ օրենքներով ու իրավական ակտերով, ինչպես նաև Հայաստանի Հանրապետության գիտությունների ազգային ակադեմիայի կանոնադրությամբ և սույն կանոնադրությամբ:

3. Ինստիտուտի հիմնադիրն է Հայաստանի Հանրապետությունը՝ ի դեմս Հայաստանի Հանրապետության կառավարության (այսուհետ՝ հիմնադիր):

4. Ինստիտուտը պատասխանատու չէ իր հիմնադրի պարտավորությունների համար: Ինստիտուտի հիմնադիրը պատասխանատու չէ Ինստիտուտի պարտավորությունների համար:

5. Ինստիտուտը ստեղծված է համարվում նրա՝ օրենքով սահմանված կարգով պետական գրանցման պահից:

6. Ինստիտուտը, որպես սեփականություն, ունի առանձնացված գույք և իր պարտավորությունների համար պատասխանատու է այդ գույքով, իր անունից կնքում է պայմանագրեր, ձեռք բերում ու իրականացնում գույքային և անձնական ոչ գույքային իրավունքներ, կրում պարտականություններ, դատարանում հանդես գալիս որպես հայցվոր կամ պատասխանող:

7. Ինստիտուտը կարող է ունենալ ձևաթղթեր, խորհրդանիշ և այլ անհատականացման միջոցներ:

8. Ինստիտուտը ունի ինքնուրույն հաշվեկշիռ, կարող է բանկերում (այդ թվում՝ նաև օտարերկրյա) բացել հաշիվներ՝ ինչպես Հայաստանի Հանրապետության դրամով, այնպես էլ՝ արտարժույթով:

9. Ինստիտուտի անվանումն է՝

1) հայերեն լրիվ՝ Հայաստանի Հանրապետության Գիտությունների ազգային ակադեմիա «Արևելագիտության ինստիտուտ» պետական ոչ առևտրային կազմակերպություն.

2) հայերեն կրճատ՝ ՀՀ ԳԱԱ ԱԻ ՊՈԱԿ.

3) ռուսերեն լրիվ՝ Институт востоковедения Национальной академии наук Республики Армения, Государственная некоммерческая организация

4) ռուսերեն կրճատ՝ ИВ НАН РА, ГНКО

5) անգլերեն լրիվ՝ Institute of Oriental Studies of National Academy of Sciences of the Republic of Armenia.

6) անգլերեն կրճատ՝ IOS NAS RA SNCO

10. Ինստիտուտի գտնվելու վայրն է՝ ՀՀ, ք. Երևան, Մարշալ Բաղրամյան պող., 24/4 :

II. ԻՆՍՏԻՏՈՒՏԻ ԳՈՐԾՈՒՆԵՈՒԹՅԱՆ ԱՌԱՐԿԱՆ ԵՎ ՆՊԱՏԱԿՆԵՐԸ

11. Ինստիտուտի գործունեության առարկան և նպատակներն են՝

1) իր մասնագիտացմանը համապատասխան գիտական, գիտակրթական աշխատանքներ կազմակերպելն ու իրականացնելն է.

Ուսումնասիրել Մերձավոր և Միջին Արևելքի, Կովկասի և Արևելյան Ասիայի երկրների և ժողովուրդների պատմությունը, տնտեսությունը, միջազգային և տարածաշրջանային հարաբերությունները, կրոնը, մշակույթը, գաղափարախոսությունը, ազգային փոքրամասնությունների և էթնիկական խմբերի հիմնախնդիրները հնագույն ժամանակներից մինչև մեր օրերը, հարևան երկրների հետ Հայաստանի միջպետական և պատմամշակութային հարաբերությունների և արևելյան երկրների հայ համայնքների պատմության ուսումնասիրությունը:

2) գիտական կադրերի պատրաստումը:

12. Բնաստիտուտը իր առջև դրված խնդիրները լուծելու համար Հայաստանի Հանրապետության օրենսդրությամբ սահմանված կարգով՝

1) որոշում է գիտական գործունեության հիմնական ուղղություններն ու գիտահետազոտական ծրագրերը.

2) հայտարարում է մրցույթներ գիտական ստորաբաժանումների ղեկավարների և գիտական աշխատողների թափուր տեղերի համար. ✓

3) պլանավորում և իրականացնում է գիտական կադրերի պատրաստումը, պարբերաբար (առնվազն յուրաքանչյուր հինգ տարին մեկ անգամ) անցկացնում է գիտական աշխատողների ատեստավորում.

4) հիմնադրի որոշմամբ կարող է հանդիսանալ այլ կազմակերպության հիմնադիր կամ մասնակից.

5) կազմում է Բնաստիտուտի խմբագրական-հրատարակչական գործունեության պլանները, աջակցում տպագրության համար երաշխավորված աշխատանքների հրատարակմանը:

13. Բնաստիտուտը կարող է մասնակցել հայրենական և միջազգային գիտական ընկերությունների ու միությունների գործունեությանը, հրավիրել միջազգային գիտաժողովներ, կազմակերպել սեմինարներ:

14. Բնաստիտուտը կարող է իրականացնել ձեռնարկատիրական գործունեության հետևյալ տեսակները՝

1) գիտամեթոդական և գիտակրթական խորհրդատվության մատուցում.

2) մասնագիտական վերապատրաստում և վերաորակավորում.

3) գիտական հետազոտությունների և մշակումների՝ իրականացում.

4) պետական առաջադրանքի կատարումից ազատ շարժական և անշարժ գույքի վարձակալության հանձնում.

5) սեփական գիտատեխնիկական մշակումների և տեխնոլոգիաների իրացում:

15. Ձեռնարկատիրական գործունեությունից ստացված շահույթն ուղղվում է Բնաստիտուտի կանոնադրական խնդիրների իրականացմանը:

16. Բնաստիտուտը կարող է լիցենզավորման ենթակա գործունեության տեսակներով զբաղվել միայն լիցենզիայի առկայության դեպքում:

III. ԿԱԶՄԱԿԵՐՊՈՒԹՅԱՆ ԿԱՌԱՎԱՐՈՒՄԸ

17. Ինստիտուտի կառավարումն իրականացնում են հիմնադիրը, լիազորված պետական մարմինը՝ Հայաստանի Հանրապետության գիտությունների ազգային ակադեմիան (այսուհետ՝ ակադեմիա) և գործադիր մարմինը (այսուհետ՝ տնօրեն):

18. Հիմնադրի լիազորությունները սահմանվում են «Հայաստանի Հանրապետության գիտությունների ազգային ակադեմիայի մասին», «Պետական ոչ առևտրային կազմակերպությունների մասին» Հայաստանի Հանրապետության օրենքներով և այլ իրավական ակտերով:

19. Ակադեմիան՝

- 1) սույն կանոնադրությամբ սահմանված կարգով իրականացնում է կառավարման մարմինների ձևավորումը և լիազորությունների վաղաժամկետ դադարեցումը.
- 2) իրականացնում է Ինստիտուտի գործունեության վերահսկողությունը.
- 3) կասեցնում կամ ուժը կորցրած է ճանաչում Ինստիտուտի տնօրենի՝ Հայաստանի Հանրապետության օրենսդրության պահանջներին հակասող հրամանները, հրահանգները, կարգադրությունները և ցուցումները.
- 4) լսում է Ինստիտուտի գործունեության մասին հաշվետվություններ, քննում է դրանց գործունեության վերստուգման արդյունքները.
- 5) իրականացնում է վերահսկողություն Ինստիտուտին ամրացված պետական սեփականության օգտագործման և պահպանության նկատմամբ.
- 6) իրականացնում է վերահսկողություն Ինստիտուտի սեփականության պահպանության նկատմամբ, համաձայնություն է տալիս նրա գույքի օտարման կամ վարձակալության հանձնման համար.
- 7) հաստատում է Ինստիտուտի տարեկան հաշվետվությունները և տարեկան հաշվեկշիռը.
- 8) ստեղծում է պետական կազմակերպության լուծարման հանձնաժողով և հաստատում լուծարման հաշվեկշիռը.
- 9) իրականացնում է հիմնադրի որոշումներով և սույն կանոնադրությամբ նախատեսված այլ գործառույթներ:

20. Բնստիտուտի ընթացիկ գործունեությունը ղեկավարում է տնօրենը, որը պատասխանատու է Բնստիտուտի գործունեության համար:

21. Բնստիտուտի տնօրենի ընտրությունն իրականացվում է՝ համաձայն ակադեմիայի կողմից հաստատված՝ Բնստիտուտի գործադիր մարմնի (տնօրենի) պաշտոնում ընտրության մրցույթի ընթացակարգի: Տնօրենի յուրաքանչյուր թեկնածու մրցույթի մասնակցության համար ներկայացնում է Բնստիտուտի զարգացման ծրագիր, իսկ ընտրվելուց հետո լիազոր մարմնի ղեկավարը մրցույթում հաղթողի հետ կնքում է պայմանագիր:

22. Բնստիտուտի տնօրենը կարող է վաղաժամկետ ազատվել պաշտոնից՝ օրենքով նախատեսված դեպքերում և կարգով:

23. Բնստիտուտի տնօրենը՝

1) առանց լիազորագրի հանդես է գալիս Բնստիտուտի անունից, ներկայացնում է նրա շահերն ու կնքում գործարքներ.

2) Հայաստանի Հանրապետության օրենսդրությամբ, հիմնադրի և ակադեմիայի որոշումներով և սույն կանոնադրությամբ սահմանված կարգով տնօրինում է Բնստիտուտի գույքը, այդ թվում՝ ֆինանսական միջոցները.

3) տալիս է Բնստիտուտի անունից հանդես գալու լիազորագրեր, այդ թվում՝ վերալիազորման իրավունքով լիազորագրեր.

4) աշխատանքի է նշանակում և աշխատանքից ազատում Բնստիտուտի աշխատողներին, նրանց նկատմամբ կիրառում է խրախուսման միջոցներ և նշանակում կարգապահական տույժեր.

5) բանկերում բացում է հաշվարկային հաշիվներ.

6) կատարում է աշխատանքի բաշխում իր տեղակալների միջև.

7) սահմանում է Բնստիտուտի կառուցվածքը և կառուցվածքային ստորաբաժանումների իրավասությունները.

8) հաստատում է Բնստիտուտի հիմնարկների, մասնաճյուղերի և ներկայացուցչությունների կանոնադրությունները.

9) նշանակում է Ինստիտուտի հիմնարկների, ներկայացուցչությունների և մասնաճյուղերի ղեկավարներին, նրանց տալիս է համապատասխան լիազորագրեր.

10) օրենքով և սույն կանոնադրությամբ սահմանված իր լիազորությունների սահմաններում արձակում է հրամաններ, հրահանգներ, տալիս կատարման համար պարտադիր ցուցումներ և վերահսկում դրանց կատարումը.

11) իրականացնում է Հայաստանի Հանրապետության օրենսդրությանը չհակասող և Ինստիտուտի կառավարման այլ մարմիններին չվերապահված այլ լիազորություններ:

24. Ինստիտուտի գիտական խորհուրդը (այսուհետ՝ գիտական խորհուրդ) այդ Ինստիտուտի գիտական և գիտատեխնիկական գործունեությունը համակարգող մարմին է, որի կառուցվածքը և անդամների թիվը, տնօրենի առաջարկությամբ, հաստատում է ակադեմիայի համապատասխան բաժանմունքի բյուրոն:

25. Տնօրենի ներկայացմամբ, ինչպես նաև գիտական անձնակազմի առաջադրմամբ, Ինստիտուտի առաջատար գիտնականները գիտական խորհրդի կազմում ընտրվում են գիտական անձնակազմի ընդհանուր ժողովում (համաժողովում): Գիտական խորհրդի անդամներն ընտրվում են փակ գաղտնի քվեարկությամբ՝ մասնակիցների ձայների պարզ մեծամասնությամբ: Ինստիտուտում չաշխատող ճանաչված մասնագետները գիտական խորհրդի անդամ են ընտրվում տնօրենի ներկայացմամբ՝ բաց քվեարկությամբ:

26. Ի պաշտոնե և հրավիրված անդամների թիվը չպետք է գերազանցի գիտական խորհրդի անդամների թվի մեկ երրորդը:

27. Գիտական խորհրդի վերջնական կազմը հաստատում է ակադեմիայի համապատասխան բաժանմունքի բյուրոն՝ տնօրենի ընտրության օրվանից 2 ամսվա ընթացքում:

28. Ինստիտուտի տնօրենն ի պաշտոնե գիտական խորհրդի նախագահն է:

29. Ինստիտուտի գիտական քարտուղարն ի պաշտոնե գիտական խորհրդի քարտուղարն է:

30. Ինստիտուտի գիտության գծով փոխտնօրենը և գիտական քարտուղարն ի պաշտոնե գիտական խորհրդի անդամներն են:

31. Գիտական խորհուրդն իրավասու է ընդունելու որոշումներ, եթե նիստին մասնակցում է նրա կազմի առնվազն երկու երրորդը: Գիտական խորհրդի որոշումն ընդունված է համարվում, եթե նրա օգտին քվեարկել է ներկաների կեսից ավելին: Որոշումն ընդունվում է բաց քվեարկությամբ, եթե գիտական խորհուրդը որոշում չի ընդունել փակ գաղտնի քվեարկություն անցկացնելու մասին:

32. Գիտական խորհուրդը՝

1) քննարկում և հաստատում է Ինստիտուտի գիտական հետազոտությունների հիմնական ուղղությունները, գիտահետազոտական աշխատանքների թեմատիկան ու ծրագրերը, գիտական կադրերի պատրաստման, միջազգային գիտական համագործակցության հարցերը.

2) համակարգում է գիտական թեմաներով կատարվող աշխատանքները.

3) քննարկում և հրատարակության է երաշխավորում Ինստիտուտի աշխատողների ու տվյալ մասնագիտությամբ այլ կազմակերպություններում աշխատող հեղինակների պլանային և արտապլանային մենագրությունները, ժողովածուները և այլն.

4) առնվազն տարեկան մեկ անգամ քննարկում և հաստատում է տնօրենի և գիտական ստորաբաժանումների ղեկավարների հաշվետվություններն ու առաջարկությունները Ինստիտուտի գիտական գործունեության վերաբերյալ.

5) քննարկում է գիտության զարգացման հրատապ հիմնահարցեր, լսում գիտական հաղորդումներ.

6) նշանակալի գիտական աշխատանքները, գյուտերն ու հայտնագործություններն առաջադրում է պարգևատրման, Ինստիտուտի գիտնականներին ներկայացնում է գիտական կոչումների շնորհման ու առաջադրում ընտրել ակադեմիայի կազմում.

7) հաստատում է գիտական աշխատողների ատեստավորման արդյունքները:

33. Ինստիտուտի գիտահետազոտական ստորաբաժանումների ղեկավարներն ընտրվում են Ինստիտուտի գիտական խորհրդի կողմից՝ հինգ տարի ժամկետով: Մամուլում և զանգվածային լրատվության այլ միջոցներով ընտրությունների պայմանների և ժամկետի մասին մեկ ամիս առաջ տրվում է հայտարարություն:

34. Ինստիտուտի գիտահետազոտական ստորաբաժանումների ղեկավարների թեկնածուների առաջադրման համար փաստաթղթերը ներկայացվում են Ինստիտուտի գիտական քարտուղարին: Գրանցվում են այն թեկնածուները, ովքեր գրավոր համաձայնություն են տալիս ընտրություններին մասնակցելու մասին:

35. Գիտահետազոտական համապատասխան ստորաբաժանման գիտական անձնակազմն իր ժողովում քննարկում է բոլոր գրանցված թեկնածությունները և փակ գաղտնի քվեարկությամբ, գիտական անձնակազմի անդամների առնվազն երկու երրորդի մասնակցությամբ, կարծիք է հայտնում յուրաքանչյուր թեկնածության վերաբերյալ: Քննարկման և քվեարկության արդյունքների մասին արձանագրությունը ներկայացվում է գիտական խորհուրդ:

36. Ինստիտուտի գիտահետազոտական ստորաբաժանման ղեկավարի պաշտոնում ընտրվելու մասին որոշումն ընդունվում է գիտական խորհրդի կողմից՝ փակ գաղտնի քվեարկությամբ, մասնակիցների ձայների պարզ մեծամասնությամբ:

37. Եթե քվեարկության 1-ին փուլում ընտրությունը չի կայանում, անցկացվում է քվեարկության 2-րդ փուլ: Եթե քվեարկության 2-րդ փուլի ընթացքում նույնպես ընտրությունը չի կայանում, ապա Ինստիտուտի տնօրենն ընդունում է որոշում գիտահետազոտական ստորաբաժանման ղեկավարի պաշտոնակատարի նշանակման (2 տարի ժամկետով) մասին, և անցկացվում է նոր ընտրություն:

38. Ակադեմիայի անդամներին գիտահետազոտական ստորաբաժանումների ղեկավարների պաշտոններում նշանակում է Ինստիտուտի տնօրենը՝ 5 տարի ժամկետով, առանց մրցույթի և ընտրությունների:

IV. ԻՆՍՏԻՏՈՒՏԻ ԳՈՒՅՔԸ ԵՎ ՖԻՆԱՆՍԱԿԱՆ ՄԻՋՈՑՆԵՐԸ

39. Ինստիտուտի սեփականությունը ձևավորվում է Ինստիտուտի հիմնադրման ժամանակ և հետագայում հիմնադրի կողմից սեփականության իրավունքով նրան հանձնվող, ինչպես նաև Ինստիտուտի գործունեության ընթացքում ձեռք բերված գույքից:

40. Ինստիտուտը իրավունք ունի օրենքին, հիմնադրի որոշումներին և (կամ) սույն կանոնադրությանը համապատասխան՝ իր հայեցողությամբ տիրապետելու, տնօրինելու և օգտագործելու սեփականության իրավունքով իրեն պատկանող գույքը:

Կազմակերպությանն անհատույց օգտագործման իրավունքով ամրացված գույքը հանձնվում է վարձակալության հիմնադրի կողմից սահմանված կարգով: Վարձակալության հանձնված գույքի վարձակալական վճարներից ստացված դրամական միջոցներն ուղղվում են Հհ պետական բյուջե:

Կազմակերպությանն անհատույց օգտագործման իրավունքով ամրացված տարածքների վարձակալությունից մուտքագրված միջոցների 20 տոկոսը տվյալ բյուջետային տարվա վերջում, ՀՀ պետական բյուջեով նախատեսված, ՀՀ կառավարության պահուստային ֆոնդից լիազոր մարմնի ներկայացմամբ, որպես կազմակերպությանն իր կանոնադրական գործառույթների իրականացման համար լրացուցիչ հատկացում, տրամադրվում է կազմակերպության կառավարումն իրականացնող լիազորված պետական մարմնին՝ կազմակերպությանը փոխանցելու համար:

41. Հիմնադիրը Բնստիտուտին սեփականության իրավունքով պատկանող գույքի նկատմամբ չունի իրավունքներ՝ բացառությամբ Բնստիտուտի լուծարումից հետո մնացած գույքի:

42. Բնստիտուտի սեփականության պահպանման հոգսը կրում է Բնստիտուտը:

43. Բնստիտուտի սեփականության վրա կարող է տարածվել բռնագանձում՝ միայն դատական կարգով:

44. Բնստիտուտի ֆինանսական հաշվետվությունների արժանահավատությունը ենթակա է վերստուգման (աուդիտի)՝ ակադեմիայի կողմից ընտրված անկախ աուդիտորական կազմակերպության կողմից:

45. Բնստիտուտի ֆինանսական միջոցները ձևավորվում են՝

- 1) Հայաստանի Հանրապետության պետական բյուջեից.
- 2) Բնստիտուտի ձեռնարկատիրական գործունեությունից ստացված եկամուտներից.
- 3) հանրապետության և արտերկրի իրավաբանական և ֆիզիկական անձանց հետ պայմանագրային աշխատանքներից.
- 4) իրավաբանական և ֆիզիկական անձանց (այդ թվում՝ արտերկրի) նվիրատվություններից, դրամաշնորհներից, ինչպես նաև կտակներից.
- 5) Բնստիտուտի գույքից և գույքային իրավունքից ստացված եկամուտներից.
- 6) Հայաստանի Հանրապետության օրենսդրությանը չհակասող այլ միջոցներից:

V. ԻՆՍՏԻՏՈՒՏԻ ՎԵՐԱԿԱԶՄԱԿԵՐՊՈՒՄԸ ԵՎ ԼՈՒԾԱՐՈՒՄԸ

46. Ինստիտուտը կարող է վերակազմակերպվել կամ լուծարվել հիմնադրի որոշմամբ, Հայաստանի Հանրապետության քաղաքացիական օրենսգրքով սահմանված կարգով:

47. Ինստիտուտը կարող է վերակազմակերպվել 100 տոկոս պետական մասնակցությամբ ընկերության կամ հիմնադրամի, ինչպես նաև համայնքային ոչ առևտրային կազմակերպության:

48. Ինստիտուտը դատական կարգով կարող է վերակազմակերպվել կամ լուծարվել՝ միայն օրենքով սահմանված դեպքերում և կարգով:

49. Ինստիտուտի լուծարման դեպքում Ինստիտուտի պարտատերերի պահանջների բավարարումից հետո մնացած գույքն ուղղվում է Հայաստանի Հանրապետության պետական բյուջե:

